

Goibekokale

ELGETA / Barikua / 2004eko urriaren 22a / 203. zenbakia

KOORDINATZAILEA: Irati Agirreazaldegia • Barrenkalea 33 20570 BERGARA • Tel.: 943 76 92 71 • Faxa: 943 76 29 77 • Posta elektronikoa: goibekokale@goiena.com • Lege gordailua: SS475/95

Elgeta Auzolanean plataformak orain arteko dinamika jarraituko du Udalean

IRATI AGIRREAZALDEGI

Elgeta Auzolanean plataformak deituta herri batzarra izan zen barikuan. Udaleko gorabeherak eta egoera politikoa izan zituzten hizketarako gai. Izan ere, hauteskundearen ostean, herritarren botoen arabera zegokion ordezkariak gabe jarraitzen du plataformak.

Udaleko gorabeherak eta egungo egoera politikoa gai hartuta, herri batzarrerako dei egin zuen Elgeta Auzolanean plataformak. Joan zen barikuan egin zen bilera eta 25 lagun inguru izan ziren.

Elgeta Auzolanean plataformakoak pozik azaldu ziren jasotako erantzunarekin, jendeak bilerara joateaz gain, bertan parte hartu baitzuen iritziak emanez.

DAGOKION ZINEGOTZIA ESKATU

Edurne Alberdi Elgeta Auzolanean plataformako zerrendaburuak adierazi digunez, "orain arteko dinamika berarekin jarraituko dugu Udalean. Bilkuretan mozioak aurkeztuko ditugu eta bertan egongo gara gure iritziak emateko; batzordeetan ere parte hartuko dugu". Hala ere, "herri-



ARTXIBOA

Azken udal hauteskundeetan Elgeta Auzolanean plataformaren izenean honako talde hau aurkeztu zen, Edurne Alberdi buru zuela.

tarren nahia errespetatuz dagokigun zinegotzia eskatzen jarraituko dugu, eta aldarrikapen hori eginaz mozio bat aurkeztu dugu Udalean", esan digu Alberdik.

ARALARREN PROPOSAMENA

Aralar alderdiak, bere iraileko berripaperean, proposamena egin zuen Auzolanean-ek Udaleko erabaki-guneetan parte hartzeko.

Aralarren esanetan, "errespetatu egin behar da hauteskundeetan herritarrek esandakoa. Ondorioz, Elgeta Auzolanean plataformari zinegotzi bat dagokio. Legeak

"Auzolanean-ekoek osoko bilkuretan eta batzordeetan parte hartuko dute, orain artean bezala"

Udalaren gainean inolako neurririk hartu ez dezan herri batzarra sortzea proposatzen dugu".

Aralarrek esandakoaren arabera, herri batzar horretan alderdi guztiek hartuko lukete parte botoarekin. Ondoren, bertan lortutako akordioak batzar "ofizialak" onartu beharko lituzke.

Elgeta Auzolanean-ek, ordea, Lizartzan egin zen saiakeraren antzerako bat eginez, EAJ-EAkoek euren zinegotzi bat utzi eta leku hori Edurne Alberdik hartu behar lukeela uste dute. Aukera hau Aralarrek proposatutakoa baino egokiagoa da euren esanetan. "Baina horretarako EAJ-EAK erakutsi behar du borondatea".

Gai horren gainean, alkateak ez du inolako adierazpenik egin. Bere iritzi, "horri buruz esan beharreko guztia esana dago".

MUSIKA

Matxura, Izas eta Ostiada Oi! Danbaka musika lehiaketan

IRATI AGIRREAZALDEGI

Gaur ipiniko dute abian Danbaka musika lehiaketa. Aurkeztutako 43 taldeen artean hiru ziren Elgetakoak eta hirurek egin dute aurrera. Lehen emanaldian Ostiada Oi! taldekoek jardungo dute.

Danbaka, Debagoieneko musika lehiaketa, gaur gauean hasiko da. Espaloian izango dira emanaldiak barikuetan eta beste hainbat talderekin batera Elgetako

hiruk jardungo dute lehiaketa: Izas, Ostiada Oi! eta Matxura.

Gaur, urriak 22, Oñatiko Potemkin eta Amonal, Arrasateko Jim TNT eta Elgetako Matxura taldeek jardungo dute, 22:30ean hasita. Elgeta eta Sorluzeko hiru mutilek osatu zuten Matxura taldea orain dela urtebete, eta pop-rock musika egiten dute, euskaraz.

BAKARLARI BAT

Datorren barikuan ez da kontzerturik izango, baina hurren-

goan, azaroaren 5ean, elgetar bat ikusi ahal izango dugu taula gainean: Izas (Izaskun Ojanguren) 11 urte zituenetik dabil gitarra hartuta kantuan, eta iaz lehen make-ta grabatu zuen pop doinuekin.

Ostiada Oi! da lehiaketan parte hartuko duen Elgetako hirugarren taldea. Elgeta, Arrasate eta Bergarako bost kaskamotzek osatzen dute Ostiada Oi! taldea, eta punk, ska eta oi! doinuak egiten dituzte orain dela hiru urtetik. Haiek abenduaren 3ko emanaldian jardungo dute.



ASTELEHENKO GORRUKA

Izaskun Ojangurenak gitarrarekin pop erako kantua abestuko ditu.

AZOKA

Eskola Txikien Jaiaren alde dirua jasotzeko azoka egingo dute

I.A.
Datorren urteko ekainean egingo da Elgetan Eskola Txikien Festa, baina jadanik hasi dira prestakuntza lanetan. Udaletik jakinarazi digutenez, abenduan bigarren eskuko gauzeekin azoka egingo dute, eta jasotako dirua jaiaren antolatzaileendako izango da.

Abenduan bigarren eskuko gauzen azoka egingo dute Elgetan.

Horretarako azaroan zehar jendeak etxean soberan dituen liburu, arropa, jostailu zein bestelakoak eskolara eraman behar-ko ditu, ondoren azokan salgai ipini mahi izanez gero.

Antolatzaileek salneurria jarriko diete jasotako gauza guz-
tietan abenduan azoka egiten dute-
nean jendaurrean ipintzeko.

Azokan saldutako gauzeekin ateratako diruaren erdia jabeen-
dako izango da eta beste erdia,
berriz, Eskola Txikien Festa anto-
latzen diharduen batzordeak
jasoko du.

GABONETAKO OPARIAK

Azoka txikiarekin, dirua jaso-
tzeaz gain, kontsumismorako joe-
ra horren aurkako ekintza bat ere
egin nahi dute.

Izan ere, azoka abenduan izan-
nik, jendeari aukera eman nahi
diote Gabonetako opariak ere
bertan erosteko. Nahiz eta lehen
eskukoak ez izan, bila dabilzan
hori aurkitzeko modua egon bai-
taiteke azokan.

Azoka zein egunetan egingo
duten oraindik zehazteke dago,
baina abenduan izango da.

Egun horretan eskolako ume-
ak izango dira dendariak eta gura-

soak zein gainontzeko elgetarrak
erosleak. Honela, herritarrek
Eskola Txikien Jaiari laguntze-
ko modua edukiko dute.

Umeak dendari izango badi-
ra, Udaleko ordezkariak ere izan-
go dute zereginik. Izan ere, azo-
karen aldamenean barra ipiniko
dute pintxoekin eta edariekin.
Bertan jasotako dirua ere Esko-
la Txikien Jaiarako izango da.

ARROPA

Azoka, ordea, ez da izango jai
horretarako dirua batzeko egin-
go den ekintza bakarra. Batzor-
de batek lanean dihardu, eta bes-
te hainbat ekintza ere egingo
dituzte.

Udan kamisetak ipini zituzten
salgai eta aurki neguko arropak
ekarriko dituzte. Bestalde, gaz-
taina erre egunean ere zerbait egi-
tekoak dira.



Hiru ume bataiatu zituzten domekan

Elgetako elizan hiru ume bataiatu zituzten joan zen domekan: Nerea Canelo, Ander Errasti eta Asier Alkorta. Argazkia eliza-
zaren atarian atera zuten, amekin, boloaren ostean. Elgetan
oraindik eusten diote bataioen ondoren gozokiak eta txanpo-
nak botatzeko ohiturari. Gero guztiek familiarrean egin zuten
ospakizuna .I.A.

KIROLAK

Udal zergak eta tasak datorren urtean % 3,2 igotzeko proposamena aurkeztu dute

I.A.
Ordenantza fiskalen egunera-
tzea izan da asteon Ogasun
batzordean landu duten
gaietako bat. 2005erako
zergak eta tasek KPIren
araberako igoera izatea
proposatu dute, baina zaborrei
dagozkien zergak gehiago
egingo dute gora.

Martitzenean Ogasun batzor-
deak bilera egin zuen, eta beste
hainbat gairen artean 2005erako
ordenantza fiskalen eguneratze-
ari buruz jardun zuten.

Kontsumo Prezioen Indizea-
ren (KPI) araberako zergen eta
tasen igoera proposatu zuten,
%3,2koa izatea, hain zuzen ere.
Orain, osoko bilkuran onartu
beharko da igoera hori.

Urtero egiten dute gora udal
zergak, eta aurten ere horrela
egitea da proposamena. Tasak
eta zergak gaurkotzean 2002ko
irailetik aurtengo irailera bitar-
tean KPIk izan duen igoera har-
tuko dute kontuan, eta %3,2 igo-
ko lirarteke Elgetaren kasuan. Iaz
igoera %2,5 izan zela ikusita, aur-
tengo igoera handiagoa dela esan
genezake.

ZABORRAK

Hala ere, Udaleko zerbitzu guz-
tietan ez da igoera bera aplika-
tu. Aurten aipatzekoa da zabo-
rrei dagozkien zergak igoera han-
dia izan dezaketela.

Izan ere, zerbitzu hori eskain-
tzeak eragiten dituen kostuak ez
dira betetzen ipinitako zergekin.
Beraz, Mankomunitateak eska-
tuta herri guztietan igoko da tasa.



Zaborren gaineko tasek aparteko igoera izango dute.

LABUR

Pilota txapelketako egutegia adosteko bilera gaur gauean

Federatu gabeko pilotari bete-
ranoen lau t'erdiko txapelke-
ta datorren urriaren 29an hasi-
ko da. Elgetako Udal Pilota-
lekuan hamabi bikotek
jardungo dute, baina oraindik
zehazteke dago noiz izango
diren partidua. Lehenengo
zatian pilotariak bi taldetan
banatuko dira eta ondoren,
onenek egingo dute aurrera
Gabon zahar egunean joko-
tuko den finalera iritsi arte.
Taldeen banaketa eta parti-
duen egutegia zehazteko joko-
lari guztiak elkartzea kome-
ni da. Horretarako, txapelke-
taren antolatzaileek bilera
batera dei egin diete partai-
deei. Bilera gaur, barikua,
izango da Intxorta elkarte-
an. Batzarraren aurretik, nahi
duten pilotariendako afaria
egongo da.

BOLINAGA
METALAK

SALBADOR 7
ELGETA 20690
GIPUZKOA
TEL: 943 76 80 64
FAX: 943 76 83 01

**JAR EZAZU
HEMEN
ZURE PUBLIZITATEA**

Goibekokale

Aperribay, s.l.

Marmoldegi
eta granitoak

Pagatza indus. z/g.
Tel. eta faxa: 943 78 90 21

20690 ELGETA



Opel. Ideia berriak. Auto hobirik.

Beste bost
arrazoi edukitzeko:

Segurtasuna,
segurtasuna,
segurtasuna,
segurtasuna,
segurtasuna.



Opel Astra berria. Segurtasun handiena. EuroNCAP, 5 izar.



Opel Astra berriak EuroNCAP 5 izar lortu ditu eta goreneko puntuazioa ondorengoetan: alboko eta aurretiko inpaktua txoke proban eta umeei babesa Sedan trinko kategorian. SAFETEC sistema berritzaileak segurtasun aktiboa konbinatzen du, eta hau guztia du barne: IDSplus xasisa, faro moldakorrak, aurretiko aire-zakuak, segurtasun pasiboan berriz: aurretiko aire-zakuak, gortina aire-zakuak eta alboko aire-zaku handiagoak. Astra autoaren inguruan informazio gehiago nahi baduzu, bisita ezazu gertuen daukazun Opel banatzailea edo deitu 902 20 05 90 telefonora edo sartu gure webgunera: www.opel.es

Astra gama: kontsumoa (l/100 km) mistoa 4,9tik 9,3ra. CO₂ emisioa (g/km) 132tik 223ra.

Giauto

Olabarrena, z/g. Tel. 943 76 33 44/46.
BERGARA